

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzvei Cawjbanh: Gvangsijh Minzcuz Bause Geiz neix 8 banj
广西民族报 Aenhauh okbanj: CN45-0036 B.2023 Nd.7 Ng.12 Liggaeuq gveijmaux nienz ndwenngux ngeihngux Geizsoq: Gungh daih 3580 geiz

Aeu Hwngfat Ndei Saed Bae Baedrengz Doicaenh Yiengh Yendaiva Cungguk

——Siz Ginbingz Cungjsuhgi Gaujcaz Gyanghsuh Gangj Vah Youqgaenj Gikcoi Gyoengq Ganbu Ginzung Youq Gwnz Roen Baenaj Moq Yamq Hung Byaij Bae

以高质量发展奋力推进中国式现代化

——习近平总书记在江苏考察时的重要讲话激励广大干部群众在新征程上阔步前行

“Daiqdaez guhbaenz sevei cuji yendaiva yaek byaij youq baihnaj, baedrengz doicaenh Gyanghsuh saedguh yiengh yendaiva Cungguk, raiz ok gij faenzcieng moq hwnqguh Gyanghsuh moq yendaiva ‘ak(ginghci ak) miz(beksingq miz) gyaeu (vanzging gyaeu) sang(sevei vwnzmingz mbaek sang)’.”7 nyied 5 hauh daengz 7 hauh, Siz Ginbingz cungjsuhgi youq mwh gaujcaz Gyanghsuh gangj vah youqgaenj, gij vah youqgaenj de mboujdan vix

cingcuji fuengyiengq hawj Gyanghsuh hwngfat, hix dinghamenh fuengyiengq hawj gak hangz gak nieb aeu hwngfat ndei saed bae doicaenh yiengh yendaiva Cungguk.

Gyoengq vunzlai cungj naeuz, bineix dwg bi hainduj cienzmienh gvancez gij cingsaenz Ngeihcib Daih Dangj raeuz, youq gwnz roen baenaj moq yaek engqgya gaenjmaed doxgiet youq seiqhenz aen Dangjgunghyangh aeu Siz Ginbingz dungzci guh-

goek, gaemndaet gaemmaenh hwngfat ndei saed gij hongsaeh ceiq haenq ceiq daeuz neix, caezcingj cinjdeng gizgiz hengzguh aen leixniemh hwngfat moq, gyavaij cauhaeb yiengh gapgyaq hwngfat moq, dawzmaenh aen swhsiengj hwngfat aeu yinzminz guh cungsim, haenqheiq buekguh, daihdamj baenaj, aeu yiengh yendaiva Cungguk bae doengzdoh guhbaenz aen loqsiengj minzcuz fukhwng.

(ciuq《Yingzminz Yizbau》)

Lungzswng: Aen Doih Fugsah Gohgi Bauj 8 Fanh Moux Maklozhan Maj Ndei

龙胜：科技服务队为8万亩罗汉果保驾护航

Daj bineix doxdaeuj, Lungzswng Gak Cuz Swciyen gyoebhaeb 10 lai aen doih fugsah gohgi, roengz 10 lai aen yanghcin haeuj gak mbanj daengz ndaw reih ndaw naz, daj gak fuengmienh bae vixyinx gisuz, baengh baenzneix guh bae bauj 8.66 fanh moux maklozhan maj ndaej ndei. Suenq daengz dangqna, aen yienh neix gyoebhaeb doih fugsah gohgi gungh guh 22 ciengz sonlien “youq gyang naz sonhag”, sonlien nungzhoh, hozcozse 2000 lai vunzbaez, ingj baenz 4 geiz sibinz sonhag, miz vunz diemj yawj 10 lai fanh vunzbaez. Ndaw doz dwg 7 nyied 6 hauh, youq aen yienh neix Lungzswng Cin Sanhdungh Cunh ndaw dieg maklozhan, baux gisuzyenz cingq son bang vunzmbanj baenzlawz ganq ndei maklozhan.

(Veiz Gizyangz/韦吉阳 Cangh Yen/章艳 Loz Dingz/罗婷)



Bineix Gih Raeuz Ciemdingh Moq 156 Aen Hanghmoeg Ciuyinx Seng'eiq Nungzyez Canjyez Ciuhneix

今年我区新签现代农业产业招商项目 156 个

7 nyied 7 hauh, gou cam Swcigih Nungzyezdingh cix rox, aen dingham neix vaiqvut bae guh, ganj caeux bae gonq, roengz rengz liuxcaez bae guh gij hongsaeh ciuyinx seng'eiq diuz lienh nungzyez

canjyez ciuhneix. Suenq daengz bineix 5 nyied daej, daengx gih ciemdingh moq 156 aen hanghmoeg ciuyinx seng'eiq nungzyez canjyez ciuhneix, gungh roengz cienz hanghmoeg 304 ik maenz; gij

cienzngeanz roengz daengz dieg haenx miz 215.4 ik maenz.

(Cinz Cin/陈静)